

履

屨

巖

本

草

履巉巖本草目錄下

試劍草

山黃楊

連錢草

羊蹄根

杜牛膝

大蒜

小蒜

山梔子

牽牛子

天南星

覆盆草

南天燭

薦不食草

大金花

山刺芥草

鴛鴦藤

決明子

紫旱蓮

凌霄

苧麻根

山薑花

草芍藥

地丁草

淹蘭

苦蕒

蒿苳

菠菜

粉草

黃旱蓮

野葛

枸杞子

蒼耳

牛旁

野艾

狗溺臺

山棟青

梧桐

皂莢

草茶

椶櫚

草麻子

淡竹葉

茄子

木槿

芭蕉根

四對天王公

大葉水芹草

百尺羅草

漢王試劍草

硃砂記草

金螃蟹草

金盤草

龍鬚草

蘆花草

三縫草

四縫草

皺面五葉草

狗舌草

紫花香葉

豈子青蒿

紫葉苦草

香樟草

小白羅草

曼陀羅

鹿蹄草

綠葱草

金釵草

長春壽帶草

金剛根

紫英

陰地蕨

自搖草

金粟狼牙草

山草烏


山荷葉

天仙子

接骨草

仙天蓮 一名天荷葉

試劍草



試鯁草性涼有毒治蛇傷犬咬一切蟲毒  
用少許搗爛貼患處


山黃楊





山黃楊性涼無毒子入藥善治暑中伏熱  
面上生癰可取子搗爛貼之其癰立差

連錢草



連錢草味苦寒無毒主大熱惡瘡癰疽主  
小兒丹毒寒熱腹內熱結痔汁服之立差

羊蹄根



羊蹄根味苦寒無毒主頭禿疥癬除熱女  
子陰蝕浸淫疽痔殺蟲醋摩貼葉治小兒  
疥蟲


治癰瘤瘡濕癬痒浸淫日廣痒不可忍搔  
之黃水出差後復發取羊蹄根去土細切  
搗碎傅上一時間以冷水洗日一付若為  
末付之亦得

杜牛膝



杜牛膝性烈有毒治傷折閃肭細搗罨患  
處甚效婦人不可服蓋能破血氣墮胎


大蒜





大蒜味辛溫有毒主散癰腫蠱瘡除風邪  
殺毒氣獨子者亦佳歸五藏久食傷人損  
目建脾治腎氣止霍亂吐瀉腹痛除邪辟  
溫去蠱毒療勞瘡冷風痲痺瘟疫氣  
治鼻血不止搗作餅子左鼻血出貼左腳  
心或右鼻血出貼右腳心如兩鼻出貼兩  
腳心才止即以溫水洗去

小蒜



小蒜味辛溫有小毒主霍亂腹中不安消  
穀理胃溫中除邪痺毒氣五月五日採者  
甚佳又去諸毒丁腫毒瘡甚良不可常食  
治心痛不可忍十年五年者隨手效以小  
蒜同醢醋煮頓服之立見功效

山梔子



山梔子味苦寒無毒主五內邪氣胃中熱  
氣面赤酒皰鼻白癩赤癩瘡瘍目熱赤  
痛脅心大小腸大熱心中煩悶胃中熱氣  
能殺蠱蟲毒去熱毒風利五淋主中惡通  
小便解五種黃病明目治時疾除熱及消  
渴口乾目赤腫病

牽牛子



牽牛子味苦寒有毒主下氣療脚滿水腫  
除風毒利小便治痰癖氣塊

治大便澀不通牽牛子半生半熟搗為散  
每服二錢煎薑湯調下如未通改以熱茶  
調下二錢量虛實老幼加減服之

天南星





天南星味苦辛溫有毒主中風除痰麻痺  
下氣破堅積利胃膈消癰腫主金瘡傷折  
瘀血取根搗碎付貼傷處真者小而柔賦  
肌細炮之易裂

治小兒牙關不開用天南星一箇煨熟紙  
裏不要透氣煎雞頭大一竅子透氣於鼻  
孔中其牙關立開治風除痰去之良藥

覆盆草



覆盆草味甘平無毒安五臟益精強力輕體  
不老久久益俠又取其汁用汁合膏塗髮不  
白按葉絞汁滴目中去膚赤有虫出如絲便  
效

南天燭



南天燭味苦平無毒止泄除睡強筋益氣  
力以服輕身長年令人不飢變白去老取  
莖葉搗碎漬汁浸粳米九浸九蒸九暴米  
粒緊小正黑如璧珠袋盛之可適遠方日  
進一合不飢益顏色堅筋骨能行取汁炊  
飯名烏飯亦名烏草一名牛筋如中河魷  
毒者煎湯服之

驚不食草



鴛不食草性溫無毒通關竅多入搐鼻藥

大金花





大金花性暖有毒多入爐火藥能結水銀  
砂子

山刺芥草



山刺芥有大熱大毒久入爐火等藥能服  
水銀礬黃毒

鷺鷥藤



驚驚藤性溫無毒治筋骨疼痛擣為細末  
每服二錢熱酒調服如只剉碎同木瓜白  
芍藥官桂當歸甘草一處用酒水各半盞  
煎至八分去滓空心食前熱服善治腳氣  
一名金銀花

决明子



決明子味鹹苦甘微寒無毒主青盲白膜  
眼赤痛淚出療脣口青久服益精光輕身  
治積年失明不識人用決明子二升杵散  
食後以粥飲服

治肝毒熱取決明葉作菜食之

紫旱蓮






紫旱蓮性溫有毒多入瘡癰等藥爐火藥  
亦用大能服水銀硫黃毒

凌霄



凌霄花味辛有毒能降諸草毒如有誤食  
草藥毒者每用凌霄同黑豆一處蒸熟揀  
去花只服豆三五粒立差

苧麻根



苧麻根味甘寒無毒主小兒赤丹其漬苧  
汁療渴

治妊娠胎連欲墮腹痛不可忍者用苧麻  
根二兩剉碎用酒一中盞水一大盞同煎  
至一大盞去滓溫服不計時候

葉五月五日午時採摘熬乾細碾為末用  
少許貼刀箭傷大有神效

山薑花



山薑花味辛平有小毒去皮間風熱可作  
淋煤湯用又主暴冷及胃中逆冷霍亂腹  
痛開紫花不結子八月九月採根用一名薑  
薑

草芍藥





草芍藥味苦酸平微寒有小毒主邪氣通  
順血脉緩中散惡血去水氣消癰腫將離  
相別贈以芍藥一名何離故相贈猶以文  
無一名當歸欲忘人憂則以丹棘丹棘一  
名忘憂欲蠲人忿則贈青裳一名合歡

地丁草



地丁草性暖有毒多入瘡癰等藥亦入爐  
火藥用大能服水銀硫黃毒

淹  
蘭



淹蘭子味苦微溫無毒主五藏瘀血腹中  
水氣膨脹風寒濕痺身體諸痛療心下堅  
膈中寒婦人經脈不通消食明目久服輕  
身延年不老

治久瘀血不散變成癰癰搗生淹蘭取汁  
一升服之

苦蕒



苦實味苦冷無毒治面目黃強力止困傳  
蛇蟲咬即差又汁付丁腫即根出雖分家  
種野生其性亦無多異

萬葉





萬莖味苦平無毒治魚臍瘡其白腫痛不可忍者先以針刺瘡上及四畔作孔以白莖取汁滴入孔中其痛即止世之常食菜品多食令人昏目

有云若要遠顧勿食萬莖

菠薐菜



菠菜味甘冷無毒多食滑腸動瀉冷利五  
藏通腸胃熱解酒毒服丹石人食之佳北  
人食肉麪即平南人食魚鱉水米即冷不  
可多食冷大小腸令人腳弱大率性冷爾

粉草



粉草一名白頭翁草味苦溫無毒主溫瘧  
寒熱癥瘕積聚癭氣逐血止痛療金瘡鼻  
衄一名野丈人一名胡王使草一名粉乳  
草兼療外痔用根搗細貼之一名白頭花

黃旱蓮



黃旱蓮味甘酸平無毒主血痢鍼灸瘡瘻  
洪血不可止者傳之立差用汁塗髮眉生  
連而繁又能排膿止血通小腸傳一切瘡  
并蠱痛一呼為體腸

野葛





野葛味甘平無毒解大熱止渴酒後取根  
切作片子細嚼三兩片大能解酒毒

葉治刀傷出血按葉傳之甚效煎湯亦止  
渴

枸杞子



枸杞子苦寒根大寒子微寒無毒主五內  
邪氣熱中消渴周痺風濕下胛脅氣客熱  
頭痛補內傷大勞噓吸堅筋骨輕身不老  
耐寒暑一名杞根一名地骨一名枸杞一  
名地輔一名羊乳一名僊人杖一名西王  
母杖一名枸檣一名苦杞一名却暑

蒼耳



蒼耳一名佛耳性涼去風活血治大風及  
諸風疾不以多少碾為細末用大風油為  
元如梧桐子大每服三十丸至四十丸用  
荊芥茶送下不拘時候服

牛蒡



牛蒡一名惡實味辛平主明目補中除風  
傷根莖療傷寒熱汗出中風面腫消渴久  
服輕身耐老根作脯食之良熱毒腫搗根  
及葉傅之金瘡諸瘡取葉貼之


野艾





野艾味苦微溫無毒治咽喉閉痛熱壅飲  
食有妨者每用野艾搗汁灌漱大有神效

狗溺臺




狗溺臺又名朝生暮落花主惡瘡疽蠱疥  
癰蟻瘻等並日乾末和生油塗之生糞穢  
處頭如筆紫色朝生暮死小兒呼為狗溺  
臺又名鬼筆菌從地出者皆主瘡疥牛糞  
上黑菌尤佳更有燒作灰地經燂兩生菌  
重臺名仙人帽大主血

山棟青



山棟青性涼無毒治諸般眼疾夏月用葉  
冬間收子用搗爛貼眼

梧桐



梧桐葉味苦寒有毒主惡蝕瘡著陰皮主  
五痔殺三蟲

花主付豬瘡子炒熟小兒多食之微熱

皂荚





皂莢味辛鹹溫有小毒主風痺利九竅殺  
精物療腹脹滿消穀除欬嗽明日益精可  
為沐浴藥

治霍亂轉筋以皂角為細末吹少許入鼻  
中得嚏便差


治咳嗽用皂角燒存性研為末每服二錢  
豉湯調下

草茶



草一味苦甘微寒無毒利小便去痰熱渴  
令人少睡和果乾嚼亦得穀雨前採嫩  
葉焙味頗清新比之建州蒙頂等處雖大  
不及然與市人雜用槐柳初生嫩芽及他  
物偽真者猶或庶幾焉

梭  
櫚



撥攔皮平無毒止鼻洪吐血破癥治崩中  
帶下腸風赤白痢其木多撥故名之也  
花結實作房如魚子食之破婦人血氣不  
作胎孕蒸煑存性不可絕過為末陳米飲  
下

算麻子



草麻子味甘辛有毒主水瘡水研二十枚  
服之吐惡沫加至三十枚三日一服羗則  
止又主風虛寒熱身體瘡痒浮腫尸疰惡  
氣取油塗之葉主脚氣風腫不仁擣蒸付  
之

治小兒丹瘤用草麻子五箇去皮研入麴  
一匙水調塗之甚妙

淡竹葉





淡竹葉味苦甘微寒無毒消痰治熱狂煩  
悶中風失音不語壯熱頭痛頭風并懷妊  
人頭旋倒地止驚悸溫疫迷悶小兒驚癇  
天吊莖葉同用

治中風煩熱等疾多用之

茄子



茄子味甘寒治溫疾傳尸勞氣然火冷不可多食損人連氣發瘡及痼疾一名落蘇根及枯莖葉主凍腳瘡可煑作湯漬之良醋摩療癰腫亦根作浴湯

茄蒂治腸風下血久不止燒存性為末每服三錢米飲調食前服

木槿



木槿平無毒止腸風瀉血又主痢後熱渴  
作飲服之令人得睡入藥炒用取汁度絲  
使滑易絡

花涼無毒治腸風瀉血并赤白痢炒用作  
湯代茶啖治風

花與葉一處搗取汁溫之洗頭

四對天王草



又名鐵塔草又名四仙草有大熱大毒多  
入爐火藥用

大葉水芹草





大葉水芹草有大熱大毒能服水銀多入  
爐火藥用

仙人有經曰

水芹：

識者不貧

不入別藥

只好燒銀

百  
疋  
四  
淮  
草



百足羅草又名大白草又名少白草有大  
熱大毒多入爐火藥用

治肚裏疼入高良薑并草煎湯服  
乾薑用水一盞煎八分熱服

漢玉試劔草



漢王試劒草性熱有大毒能伏砒霜硫黃  
結水銀砂

硃砂記草



硃砂記草性溫無毒能煨硃砂入爐火藥用

金  
螃  
蜊  
草





金螳螂草性熱有大毒能燒金伏朱砂用

金盤草



金盤草性熱有大毒入在燒銀鍋內可辨  
銀真價

龍  
鬚  
草



龍鬚草性涼無毒治一切瘡用根療痔疾  
葉死得流黃

蘆花草



蘆花草性涼無毒入耳草一處煎服治小便淋瀝赤澀不通

三  
縫  
草





三縫草性涼無毒治一切眼疾用少許泡  
湯洗眼

四  
縫  
草



四縫草性溫無毒治風濕相搏研為細末  
每服二錢濃煎蘇木酒調服

皺面五葉草



皺面五葉草性涼無毒治赤眼入龍膽草  
同為細末每服一錢用熟羊肝蘸藥末嚼  
服

狗舌草



狗舌草性寒無毒治髭癰收瘡口為細末  
用少許貼患處

紫花香菜





紫花香柔性溫無毒截四時傷寒細研為末熱酒調一錢服之

荳子青蒿



荳子青蒿性溫無毒治瀉痢不止照干為  
末每服一錢井花水調服

紫葉苦草



紫葉苦草性溫無毒治腫毒能服硫黃

香樟草



香樟草性涼無毒去腫煎湯洗腿脚除寒  
濕氣

小白羅草





小白羅草性熱有大毒能伏水銀多入爐  
火藥用

曼陀羅



曼陀羅性溫有毒治寒濕脚面上破生瘡  
照乾為末用少許貼患處

康蹄草



康蹄草性寒無毒治便毒用少許搗碎  
患處

綠葱草



綠葱草性溫無毒根療痔疾葉醫腫毒

金釵草





金釵草性寒有毒能伏五金八石入炉火  
藥用

長春壽帶草



長春壽帶草性寒有毒能伏水銀多入爐  
火藥用

金  
剛  
根



金剛根性溫無毒和好臘茶等分為末白  
梅肉元如雞頭大每服五元至七元小兒  
三元赤痢赤甘草湯下白痢烏梅湯下赤  
白痢烏梅甘草湯下葉善貼諸惡瘡

紫英



紫英性溫有毒入爐火藥養靈砂大有功

陰地蕨





陰地厥性寒有毒能死硫黃硃砂

自搖草



自搖草性溫無毒治風氣活血去頭風一  
名杜當歸

金粟狼牙草



金粟狼牙草治便血此藥性溫無毒焙乾  
入蚌粉炒槐花百藥煎為末米泔水調每  
服三錢空心服亦治酒病

山草烏



山草烏性涼有毒治癰瘡用少許磨塗患處大有神驗

山荷葉





山荷葉性溫有毒能枯水銀入爐火藥

天仙子



天仙子性溫無毒大治風濕膝蓋疼痛為  
末酒調二錢空心食前服大有神效

接骨草



接骨草性溫有毒治打撲傷損及閃肋骨  
節每用取葉不以多少搗爛鋪罨患處立  
有神驗

仙天蓮



仙藥通一名天荷葉性大熱大毒不可聞  
紫花恐生鼻肉多入爐火藥用葉治惡毒  
瘡癰